

Xajon ra tsikínda ítjòn jè Pedro

'Én ra bí'tsia-ni Pedro

1 ¹Añ Pedro, ra jè Jesucristo tsikíxáya-na, tísixó'tà-no nga'tsi-no ra jndí ra ján xìn titsajna-la naxindá-no nga ya titsajnajion ya nangi Ponto, Galacia, Capadocia, Asia ko Bitinia, ²jiòn ra xá ko'sín tì'sa kjetsee-ni nga tsjahjín-no Nainá ra Na'in 'mì-lá koni 'sín ta'koa ijye tjíjin-la; ko ngi koó Inima Tsje-la kisitsje-no nga xita tsje-la tsò-no, mé-ni nga siitjasòn-la Jesucristo ko mé-ni nga kotsje-ni ijo-no ra kjoa 'tse jé-no koni tsa jè kjòn jní-la Jesucristo xaájten-jnó jiòn ra tsikíxten 'kia nga 'ken. Tse kjonda ko tse kjo'nchán katasakó-isa-la inima-no.

Kjoa ra 'sieén nga chiá-lá Nainá

³'Nga katijna Nainá ra Na'in-la ma Jesucristo ra tjina ítjòn-ná, nga tsee kjohimatakòn ki'se-la ra a'ta tsajién: koni 'sín nga jaáya-la Jesucristo ra a'ta 'tse kjobiya, 'koaá tì'sín jngo kjobinachon xitse kitsjà india-ná mé-ni nga nijngo nichjin kjehe'tà kjoa ra chiá-lá, ⁴nga tjábé-ná kjotjò ra tíjnatjò-la Nainá ya ján ngajmi, kjotjò ra mì kì fitson-ni ta kjiá-nioo, ko ra nikjiá matjé ko ra nikjiá chija koni 'sín nga 'ki. ⁵Ta ngatji-la nga ya makjiín-najiòn ra a'ta 'tse Nainá, ngi koó jè nga'nó-la nga tísikonda-najiòn mé-ni nga ma kijchotjíngi-la jè kjonda-la, nga ma kíjokajion kjohi'in ra kjoa 'tse jé-no, koni 'sín ijye tíjinda-la ra jè; ko 'kiaá jcha-la kjoa kii 'kia nga ijye kochraña nichjin nga kjehe'tà isà'nde.

⁶Jná kjoa kii ra 'nó tsja 'bé-la inima-najiòn, ni'sín skanda 'ndi 'ndi, kjín ndiyá-la kó'sín nga inchichjí'ta-najiòn nga inchibatojin chiba nichjin jiòn kjohi'in. ⁷Jè kjoa makjiín-najiòn, 'koaá 'sín ngoya-la koni tsa kicha sinè, tíjné-la

nga ni'í tjá'ta-ni mé-ni nga jcha-la kó'ki chjí-la. Tsa chíkjoa-la ni'sín ta mé kjoa ra kotojin, isaá ta 'ño chjí-la koni tsa jè kichá sinè ra bijchó nichjin-la nga fe. 'Koaá 'sín tjín, 'kia nga ijye tjá'ta kjoa ra makjiín-najiòn, machjeén-la nga nda kitjongi, nga jeya kíjna, kò nga jchaxkón 'kia nga kj'íí india-ni Jesucristo.

⁸Ni'sín kjè kì 'yaxkon jiòn jè Jesucristo, tanga tsjachaá-nájiòn; kò ni'sín takó kjè kì tsa inchi'ya jiòn, tanga makjiín-najiòn ra a'ta 'tse kò 'ño matsja-najiòn nga tjín jngo-no kjotsja ra 'ño jeya tjín, nga skanda tsín-no 'én kó'sín nga kixó jiòn ra a'ta 'tse kjotsja ra tjín-no. ⁹Nga ijyee tíjtábé-no jè kjonda ra 'tse kjoa makjiín-no; kò jè kjonda rakìi, jé-ni nga inchibítjokàjion kjohi'in 'tse jé-no.

¹⁰Jñà xitá ra isìchjeén Nainá nga kiichja ngajo-la, ra tjen tsi'kénajmí a'ta 'tse jè kjonda ra Nainá tsjá kjotjò-najiòn, iskota'yáko-ní kò tì'koaá tsakátsjiya-ní a'ta 'tse kjonda kii nga ma kítjokajieén kjohi'in. ¹¹Jñà xitá kii mejèn-la nga nda ske, mé nichjin-ni kókama kò kó'sín koma-la kjoa kii koni 'sín nga ijye inchisíchiya-la jè Iníma Tsje-la Cristo ra tíjnajin ya iníma-la, nga tjen isìchiyaá-la a'ta 'tse kjohi'in ra tjínè-la nga kotojin jè Cristo, kò kó'ki kjoajeya 'se-la askan-nioo. ¹²Jñà xitá kii, kisìchiya tsijen-la Nainá nga mì tsa kjonda 'tse-jìn nga kò'sín tsi'kénajmí; kjonda tsajiòn-nájiòn. Kò jñà 'én ra tsi'kénajmí, tíjñà-ni 'én xitse ra nda tsò a'ta 'tse Cristo ra tí'senajmí-no skanda jè nichjin 'ndi. Nga tíjé-ni Iníma Tsje-la Nainá ra ngajmi nchrabá-ni tsjá-la nga'ño xitá ra 'bénajmí. Jñà kjoa kii skanda jñà ikjali, mejèn-la nga ske-te. ¹³'Koaá ma-ni nga nda kjón-ní tikítsajnanda kjòbitsjen-no kò chijmi kjón títsajna. Ta jé nda jchíña-la jè kjonda ra jè tjábé kjotjò-no 'kia nga kj'íí india-ni jè Jesucristo.

Kó'sín machjeén nga tsje sijché ijo-ná

¹⁴Kò'sín 'tiaàn koni tsa jñà ixti ra nda ma-la síhitjasòn; kì tì tsja ya bitsajin-no koni 'sín tjín kjoa'cho ra kisíjé ijo-no 'kia nga tikje 'yaxkon Nainá. ¹⁵'Koaá 'sín tsje tahíkoo kjobinachon-no nga ta mé ra 'siaan, koni 'sín nga tsje jè Nainá ra xá kiichja-no. ¹⁶Nga jè xajon ra jí'ta 'én-la Nainá, 'koaá 'sín tíchja nga tsò: “Xitá tsjeé katama jiòn nga Xitá Tsjeé-ná ra 'an.”

¹⁷Jè Nainá ra ngásòn ngáya kò'sín bíndajín-la jé-la xitá koni 'sín tjín kjoa ra 'sín nga jngó jngó xitá, tsa Na'in 'mì-la jiòn

'kia nga nakjoá'ta-la, machjeén-ní nga tiskón-cha ra jè nga'tsi nichjin ra kitsakon i a'ta nangi ñanda nga mì tsa i i'nde-no. ¹⁸Nga 'ya-nájiòn nga mì tsa jña tsajmì ra fitson kjóchjítjì-najiòn nga ma titsajnandioó kjoa'cho ra sikitsajnajin jiòn nga tisa kjotseé ra jña xita jchinga-no tsakón-ya-no. Mì tsa ton sinè ko mì tsa ton chroba kjóchjítjì-najiòn. ¹⁹Nga ko sabá jè jní ra tsikíxten Cristo, jè jní ra 'ño chjí-la, jè kjóchjítjì-nájiòn mé-ni nga ma titsajnandí-no. Jè jní-la Cristo, 'koaá 'sín jngoya-la koni tsa jè jní-la jngo ndí forré i'ndí ra 'ño nda 'ki ra nimé 'chin tjín-la. ²⁰Nga jè Cristo, xá 'koaá 'sín itjonè-la nga ko'sín kokama'tin skanda ti'kia-ni nga tikjè sinda isà'nde, tanga skanda 'ndí t'ya-la nga ko'sín kjomà ra kjonda tsajiòn. ²¹Ko a'ta 'tse Cristo-ní nga makjiín-najiòn ra a'ta 'tse Nainá, jè Cristo ra jè Nainá isikjaáya-ila ko ti'koaá jeya isikjina. 'Koaá ma-ni nga makjiín-nájiòn a'ta 'tse Nainá ko inchichiñá-la jiòn nga tsjá-no kjonda koni 'sín nga ijye kitsjà 'én-la.

²²Jè inìma-najiòn ijyeé kjotsje, ta ngatjì-la nga inchinitjasòn jiòn koni 'sín tjín 'én kixi-la Nainá, mé-ni nga mì ta jò tjín-ni takòn nga tsjacha 'sioon xàngioo. Ko'sín ngi ko inìma-no nga 'ño tsjacha 'tiaàn xàngioo nga jngó jngó-no. ²³Nga ijyeé kitsin xitse india-najiòn, tanga mì tsa a'ta 'tse tje-la xita ra fehe'ta nichjin-la nga kitsin xitse india-najiòn; a'ta 'tseé 'én-la Nainá ra tijnakon ko ra tjina skanda ta mé nichjin-ni. ²⁴Nga 'koaá 'sín tichja jè xajon ra tjí'ta 'én-la Nainá, nga tsò:

Nga'tsi jña xita,

'koaá 'sín jngoya-la koni tsa xka ijña.

Ko jè kjoa nga jeya síkítsajna ijo-la,

'koaá jngoya-la koni tsa jè naxó-la xka ijña.

Jña xka ijña, xi-ní ko jña naxó-la katsangi-ní;

²⁵tanga jè 'én-la Na'ín-ná tjina ki'tá-ní skanda ta mé nichjin-nioo.

Ko jè 'én rakii, jè-ní jè 'én xitse ra nda tsò ra a'ta 'tse Cristo ra ko'sín ijye ki'senajmíya-najiòn.

Naxindá xitse-la Nainá

2 ¹Kíí machjeén-ni nga tikítsajna ijye jiòn nga'tsi kjoa ra 'cho tjín, nga'tsi ra 'mì kjoa kondacha, kjoa ra jò isén tjín, ko kjoaxitakòn, ko nga'tsi 'én 'cho ra nakjoájno-la xàngieé. ²Ko'sín 'tiaàn jiòn koni 'sín 'sín jña ndí ixti-xó 'kia

nga tì'sa tsin; jè 'nó tjatsji jìòn ra ngi ta jè 'én-là Nainá, koni ngoya-là jñà ndí ixti-xó, 'kia nga tì'sa tsin, ngi ta tsjín bátsji. Tsa ko'sín 'siaan jìòn, jè kosiko-no nga nda kojchá jìòn ra a'ta 'tse Nainá koni 'sín títsjá-no kjonnda nga kítojajion kjoh'in ra kjoa 'tse jé-no. ³Nga ijyeé inchichjí'ta-najìòn nga jè Na'ín-ná batoó nda xita.

Jè Najo ra tijnakon

⁴Tichraña'ta-la jè Jesucristo ra 'koaá ngoya-là koni jngo najo ra tijnakon; jè najo ra jñà xita isà'nde tsachrjengi; tanga ra a'ta 'tse Nainá, xá itjahíjín-ni jè najo rakii, ko batoó 'nó chjí-là. ⁵Tsa sïchraña'ta-la jìòn, 'koaá tì'sín kama jìòn koni najo ra tjítsakon; ko jìòn kama jìòn najo-là ni'ya tsje-là, mé-ni nga ya sixá-nájiòn koni na'mì tsje-là Nainá nga a'ta 'tse Jesucristo 'kí-la kjotjò ra siítsjako Nainá, jñà kjotjò ra nda sasén-là ra jè. ⁶'Koaá ma-ni nga ko'sín tíchja-te jè xajon ra tjí'ta 'én-là Nainá, nga tsò:

Jngo najo sïkíjnaa ya ajin naxindá-là Nainá ra tijná sòn'nga ya nindo Sión,

jngo najo ra tijná tíjtòn nga bí'nóya ya nga chrjangi-là ni'ya,

ra xá itjahájin-ni ko ra 'nó chjí-là.

Jè ra kókjiín-là a'ta 'tse najo rakii, mì kì tsa kjosabá skajin-jin.

⁷Jè najo rakii batoó 'nó chjí-là a'ta tsajìòn ra makjiín-no; tanga jñà xita ra mì kì makjiín-là, yaá bitjasòn koni 'sín tíchja-te jè xajon ra tjí'ta 'én-là Nainá, nga tsò:

Jè najo ra tsachrjengi jñà xita ra bínda chrjò,

jè tíma-ni najo nga'nó ra síjna tíjtòn ya nga chrjangi-là ni'ya.

⁸Ko 'koaá tì tsò-te:

Jngo najo ra saténgieé, ko ra síkàtjen-ná.

Nga jñà xita yaá saténgi, 'kia nga mì ma-là síhitjasòn koni 'sín nga tsò 'én ra 'senajmíya-là; ko 'koaá 'sín ma'tin koni 'sín nga tijnè-là nga kama'tin.

Yá kjòn-ni jè naxindá-là Nainá

⁹Tanga ra jìòn, jè tje-najìòn, xá 'koaá 'sín itjahájin-ni. Jìòn ma jìòn na'mì ra síxá'ta-là Cristo ra Xita Íjtòn tijná.

Naxindá tsje-la Nainá-nájiòn, jngo naxindá ra jè Nainá kjomejèn-la nga 'tse kitso-la. Kí kò'sín ki'sin-ni Nainá mé-ni nga jiòn 'kénajmíya-najiòn kjoa ra 'ñó nda tjín a'ta 'tse jè ra tsachrekàjin-najiòn ya kjoa jñò ra titsajnajin jiòn tsiki mé-ni nga ma itjàhà'sen-jin jiòn ya ñánda tíjna ni'í-la ra 'ñó nda síhisen-ná. ¹⁰ Nga tí'sa kjotseé skanda mí tsa xíta naxindá 'mì-najiòn, tanga 'ndi 'ndi ijyeé naxindá-la Nainá ma jiòn. Nga tí'sa kjotseé mì kì mahimake-najiòn jè Nainá, tanga 'ndi 'ndi, ijyeé mahimakeé-najiòn jè Nainá.

Kò'sín sijché ijo-ná koni nga chí'nda-la Nainá 'mì-ná

¹¹ Jiòn ndí 'ndsé ra 'ñó matsjacha-no, 'koáá 'sín tíbitsá'ba-no koni tsa jñà xíta ra mì tsa ya i'nde-la ra ta jngohíta títsajna ya isà'nde rakìi, 'tiààn kjonda, kì ya 'chaájioòn jñà kjoa'cho ra faajin-la ijo-ná ra kjaán-kò ki'ta-ná nga mejèn-la sìikijne-ná. ¹² Nda kjòn tíjchá ijo-no ya ajin-la xíta ra mì kì makjiín-la a'ta 'tse Cristo, ni'sín kò'sín katachjajno-najiòn koni tsa xíta 'cho kjòn jiòn. Tanga jè nichjin 'kia nga kj'íí india-ni Cristo, jñà xíta kì, jeyaá sìikíjna-ni Nainá 'kia nga ske nga ndaá tjín jñà kjoa ra 'nià jiòn.

Jchaxkén jñà ra xitaxá

¹³ Ta ngatjì-la nga mì yá ra kichjajno-la Na'ín-ná, nda tìhitjasòn-la jñà xitaxá ni'sín ta ñáá xá ra tjín-la i a'ta nangi, koni jè xitaxá ítjòn ra 'nga xá tjín-la, ¹⁴ kò jñà xíta ra inçibatéxoma-la nga jngó jngó naxindá i'í nga jñà, xá 'koáá 'sín isikasén-ni jè xitaxá ítjòn nga tsjá-la kjohi'in xíta ra 'cho 'sín kò nga nda sìikítsajna jñà xíta ra nda 'sín. ¹⁵ Nga jè ra mejèn-la Nainá nga nda 'tiààn jiòn, mé-ni nga katasichjà'a-ni jñà xíta ra mì kì machiya-la ra mì kì be mé 'én ra chja.

¹⁶ 'Koáá 'sín 'tiààn jiòn, koni jñà xíta ra títsajnandíí; tanga kì ta ki-ni nga titsajnandíí jiòn nga jñà kò'siaan kjoa ra 'cho tjióon. 'Koáá 'sín nda 'tiààn jiòn koni 'sín nga chí'nda-la Nainá 'mì-no. ¹⁷ Nda jchaxkón ijye nga'tsi xíta. Tsjacha 'tiààn jñà ra 'ndsè chibà. Tiskón-cha jè Nainá. Kò nda jchaxkón jè ra xitaxá ítjòn tíjna.

Kjoa ra tjínè-la nga sìhitjasòn jñà ra chí'nda 'mì

¹⁸ Jiòn ra xíta chí'nda 'mì-no, nda jchaxkón kò nda tìhitjasòn-la xíta ra níxá'ta-la. Mì tsa ta jñà ra nda síkò-no

ko ra nda betjò-no; 'koaá tì'sín nda tìhitjasòn-la jñà ra 'ñó beton-te-no. ¹⁹Nga ndaá baxki ya ngixkon Nainá jñà xita ra síkjiín kjohi'in ra mì kì bakèn-la ko chíkjoko-la kjohi'in ki, ta ngatjì-la nga fiyaá-la mé ra mejèn-la Nainá. ²⁰Ni ta yá ra nda skexkón-najìon tsa ta kíí ngatjì-la nga 'cho inchi'nià nga kotjín kjohi'in tsjá-no xita. Tanga tsa nda inchi'nià jìon ko chíkjoko-no kjohi'in ra tsjá-no xita, sakó-no kjoanda ya ngixkon Nainá. ²¹Nga kíí xá ko'sín kùichja-no Nainá, nga jè Cristo, 'koaá tì'sín isikjiín kjohi'in ra ta ngatjì tsajìon, ko jngoó xkósòn tsikíjna-najìon mé-ni nga ko'sín 'siaan-najìon koni 'sín nga ki'sin ra jè. ²²Nga jè Cristo, nijngo jé tsakátsji ra jè, ko nijngo 'én ndiso kùichja. ²³'Kia nga kùichjajno-la jñà xita, mì tsa isíkáfa ngajo-ni ra jè. Ko 'kia nga kjohi'in ki'tsi-la, mì tsa kitsò-jìn, 'koaá tì'sín sikó ngajo-no. Kjoa ra kjomà'tin, tà yaá isingatsja jè Nainá ra ma-la nda kjòn bíndajín kó'sín tjín nga jngó jngó kjoa. ²⁴Jè sabà Cristo 'tsamijín jñà jé ra tjín-ná, yaá iskanè ijye ya ijo-la ya a'ta krò, mé-ni nga katiyeé ra jién ra a'ta 'tse jé, ko yaá sijchá-jieén ijo-ná a'ta 'tse kjobinachon ra kixi tjín. Kíí xá kitijno kiti'tá-ni ijo-la Cristo nga itsi'on, mé-ni nga konda-ni 'chin ra tjín-najìon. ²⁵Nga 'koaá 'sín kjòn jìon nga tì'sa kjotseé koni tsa jñà ndí forrè ra ichijà. Tanga 'ndi 'ndi-ni ijyeé ya tsáfa'ta-la jìon jè Cristo, koni jè chjingo ra nda tjíkinda-la kjobinachon-no.

**Kjoa ra tjínè-la nga 'siin jngo chjoón ko
jè 'xin ra ijye títsajnakó xákjén**

3 ¹'Koaá tì'sín tjín a'ta tsajìon-jìon ra íchjín 'mì-no, nda jchaxkón 'xin-no nga nda tìhitjasòn-la, mé-ni nga tsa tjín i'ka ra mì kì makjiín-la jè 'én-la Cristo, chaán ta ya kochiya-la 'kia nga ske kó'sín inchiníjchá ijo-no, nì'sín mì tsa jìon ko'kín-la; nga kokjiín-te-la ²'kia nga ske-no nga tsje inchiníjchá ijo-no ko tjíjin ya inìma-no kjoaskon-la Nainá. ³Ko kì ta ya asòn'nga-la ijo-no ko 'sín ta nda bínda bíchjineè nga 'ñó nda 'bè tsjaskò ko bingioè ndátòn ra ngi kicha sinè, ko tsjaya jch'ó ra 'ñó chjí-la. ⁴Jé ra machjeén nga yaá katabitjo-ni ya inìma-najìon, ra nda katasíksíjen-no. Jñá kjonda ki ra mì kì kjehe'tà, tsa jè inìma-najìon indakjoa tjina ko tjíjin ki'ta kjo'nchán. Tsa ko'sín tjina inìma-najìon, jé ra 'ñó chjí-la ya ngixkon Nainá. ⁵Nga jñá kjoa kù ra nda kisikatsíjen-ni ijo-la

jñà íchjín tsje ra nda tsaká'ta ikon Nainá nga tì'sa kjoťseé ko kjoťsexkón 'xìn-là nga nda isìhitjasòn-là. ⁶Koni jè Sara 'koaá 'sín nda isìhitjasòn-là jè Abraham nga 'koaá 'sín kjoťsexkón nga jè tìjna ítjòn-là. Tsa ko'sín nda sijchá ijo-no, tsa mì kì kiskón-la nì'sín ta yá ra kìncháxkón-no, 'koaá 'sín inchi'nià jìòn koni tsa ìxti-là Sara ma jìòn.

⁷Ko jìòn ra 'xìn 'mì-no nda kjoťn-ní tìtsajnakoo jñà íchjín-no, nga ndaá katafiya-no nga isa inda kji'ta-là íchjín koni jìòn-jìòn. Nda kjoťn-ní jchaxkón koni 'sín nga bakèn-là, nga 'koaá 'sín Nainá tsjá-te-là kjoťbinachon koni jngo kjoťjò koni 'sín nga tjábé-no ra jìòn. 'Koaá 'sín 'tiaàn mé-ni nga mì mé ra kotechjà-no 'kia nga jìòn ra kìnákjoa'ta-la Nainá.

Kjoa ra tjínè-là nga 'sijn nga'tsi ra xita-là Nainá

⁸Ta nga'tsi kjoa kii, ko'sín nda tìtsajnajtión; jngoó inìma 'tiaàn kjoťbítjsen-no; ñó tsjacha 'tiaàn xàngioo koni tsa 'ndsè chibà; kata'se-no kjoahimatakòn; indakjoa tìjchá ijo-no. ⁹Tsa yá ra 'cho síko-no, kì tà chjàn ko'sín nìko ngajo-no, ko tsa yá ra chjajno-no kì tà chjàn nakjoájno ngajo-la; ta isaá tìjé-là Nainá nga katatsjá-là kjoťnda jñà xita, nga kíí xá kinakjoá-no nga tjábé-no kjoťnda. ¹⁰Nga:

Jè ra mejèn-là nga 'se-là kjoťsja nìchjin ra tìjnakon,
nga mejèn-là nga ske nìchjin ra nda,
katasíkonđa ndijen-là nga mì 'én ra 'cho tsò katachja
ko nga nìmé 'én ndiso katabitjo tsa'ba.

¹¹Tìncha'tàxìn-la kjoa ra 'cho tìjín,

ko jñà 'tiaàn kjoa ra nda tìjín;
tjatsjio kjoa ra 'nchán tìjín ko jè tangítjìngi-là.

¹²Nga yaá tìj'ta-là xkon Na'ín-ná jñà ra xita kixi;
ko minchá-là chíká-là 'kia nga bít'sa'ba xita kii;
tanga bá'maá-là isén-là jñà xita ra 'cho 'sín.

¹³¿Yá ra ma 'cho siko-najìòn, tsa 'koa 'sín kìnè ki'ta-la ijo-no nga nda 'siaan? ¹⁴Tanga kì tà chjàn skon ko kì tsakjón inìma-no tsa 'kia mé kjoťh'in ra skajìòn ra ta kì ngatjì-la nga kixi 'nià, nga kjoťnda tsajìòn-nó kjoa kii. ¹⁵Ko 'koaá 'sín nda jchaxkón Cristo nga jè tìkìjna ítjòn nga katatéxoma ya ajin inìma-najìòn. 'Koaá 'sín nda tìtsajnanda ki'ta jìòn nga 'kénajmí-la jìòn jñà xita ra skonangi-no nga mé-ni nga ko'sín jè Cristo kji'tatákon-no nga ko'sín inchihiñákjoa-la. ¹⁶Tanga

indakjoa kjón-ní nga nda tinákjoa-la xita ko tsje kjón-ní tikijna kjobitsjen-no, mé-ni jña ra chjajno-no koni 'sín nga nda 'nià jìòn ra makjiín-no a'ta 'tse Cristo, tijná 'én-la katasísaba'a-ni jña xita kiì. ¹⁷Isaá nda-ni ni'sín kotjín kjohi'in skajieén tsa 'kia nga nda inchi'nié, tsa jè Nainá ko'sín mejèn-la nga ko'sín koma, nda mí 'koa-ni tsa ko tjín kjohi'in skajieén 'kia nga 'cho inchi'nié.

¹⁸Nga skanda jè Cristo india kjón-ní isikjiín kjohi'in nga 'ken ta ngatji-la jña jé ra tjín-ná. Jè Cristo mì tsa mé jé tsakátsji ra jè, tanga isikjiín kjohi'in ra ta jña ngatji-la jña xita ra 'cho 'sín, mé-ni nga ma iko-ná ya nándá tjina Nainá. Kini'keén ra ijo isà'nde-la tanga 'kia nga jaáya-ila, jngoó ijo xitse 'tse Inìma Tsje-la Nainá ki'se-la. ¹⁹Ko jè Inìma xitse-la, kií ya 'nde nándá nga títsahijyo inìma ra títsa'ya ndayá nga kiì 'kénajmí-la [nga isikijne-la kjobiya ra jè] ²⁰jña inìma-la xita ra mì ma-la isihitjasòn kjotseé, 'kia nga jè nichjin 'tse xita ra tsi'kìn Noé. Nga jè Nainá iskoñá nda nda 'kia nga jè Noé tóbinda jè chitso ra 'ño je 'ki ki'sìn, ya nándá nga ta chibaá xita tsatojin kjohi'in ra a'ta 'tse jtsí xkón; ta jiín tjín-ni xita ra itjokàjin kjohi'in nga mì kì tsa ya 'ken-jin nandá. ²¹Jè nandá kiì, 'koaá 'sín kiichja-ni nga jé-ní ra satíndá-ná nga ma bitjokajieén kjohi'in 'ndi 'ndi. 'Kia nga satíndé, mì tsa jè ijo sòn'nga-ná ra matsje, jè-ní nga níjé-lá Nainá nga tsje kata'se kjobitsjen-ná, ko jè Nainá bachrjekàjin-ná kjohi'in ta ngatji-la nga ijyeé jaáya-la jè Jesucristo, ²²ko yaá kijimijìn ya ján ngajmi, nga tjina'ta ya nga kixi-la Nainá, ko yaá inchisíhitjasòn-la jña ikjali ko nga'tsi isén nichjin tsje ra batéxoma ya ajin isén ko nga'ño ra tjín ya ajin isén.

Nda sichjeén kjonda-la Nainá ra títsjá kjotjò-ná

4 ¹Koni 'sín nga isikjiín kjohi'in ijo-la Cristo, machjeén-te nga 'koa ti'sín titsajnanda jìòn nga sikjioón mé kjohi'in ra skajìòn. Nga jè ra ijye isikjiín kjohi'in ijo-la, ijyeé isikijne-la kjoa 'tse jé. ²Ko kií ko'sín machjeén-ni nga ko'sín tijchá ijo-no jña nichjin ra kitsajna-isa koni 'sín nga Nainá mejèn-la, ko mì tsa ti ko'sín 'siaan-no koni 'sín tjín kjoa ra sasén-la ijo jé-no. ³Ijyeé inikato-jìòn chiba-la nga ko'sín ta 'cho ki'nià koni xita ra mì bexkon Nainá. Nga yaá tsikitsajnajion kjoa'cho ra ya itsabá'ño ijo-no, ko jè tsakjàtsji jìòn kjoa'cho ra sasén-la ijo-no,

kō kjoa'chi, kō 'sí ra 'ñó 'cho t́jín, kō ñánda nga inìkato-nájìon chibà-la 'kia nga ta xán ki'yò ki'ta, kō tì'koaá kijchaxkón jìon nainá xkòsòn ra jtike Na'ín-ná. ⁴'Ndi 'ndi-ni jñà xita kii, 'choó ma-la 'kia nga mì tì ya fahijtako-najìon koni 'sín t́jín kjoa'cho ra inchisíjchájin ijo-la; 'koaá ma-ni nga 'cho tsò-najìon. ⁵Tanga jñà xita kii, yaá t́jínè-la nga tsjá-la kindá mé nichjin-nioo, jè Na'ín-ná ra ijye t́jínanda nga kiindajín kjoa 'tse jé-la jñà xita ra títsajnakon-isa kō ra ijye 'ken. ⁶'Koaá ma-ni, nga skanda jñà xita ra ijye 'ken, ki'senajmíya-la jè 'én xitse ra nda tsò, mé-ni ni'sín jñà ijo-la tse kjohi'in kisikjiín, koni 'sín nga tsikíndajín-la xita isà'nde, tanga jñà inìma-la títsajnakon-ní koni 'sín nga jè Nainá t́jínakon.

Kó'sín ma kisiko'té xita xàngieé

⁷Tanga ijyeé tímachraña-ní nga kjehe'tà nichjin-la nga'tsi tsajmì ra t́jín, 'koaá ma-ni nga machjeén-ní nga nda kjón 'tè takòn kō ngi ta jè tjà'tà takòn ki'ta nga tinákjoa'ta-la Nainá. ⁸Jè kjoa ra 'ñó t́jna ítjòn, jè-ní nga 'ñó kata'se-no kjoatsjacha ra a'ta 'tse xàngioo; nga tsa t́jín-no kjoatsjacha, maá-no sijcha'ta-la xàngioo ta mé jé-nioo. ⁹Nda t́sin-la nga jngó jngó xàngioo 'kia nga ya kijchòjkon-no ya ni'ya-no; kì tà chjàn yá xàngioo ra 'cho chibàya-no. ¹⁰Nga jngó jngó-najìon kō'sín 'tì-la ndsàà xàngioo nga t́siko'ta koni 'sín t́jín kjonda ra jè Nainá títsjá-no. Kō'sín kata'ya-la nga ndaá inchinichjeén jìon kóhotjín skoya t́jín-ni jè kjonda ra jè Nainá tsjá. ¹¹Jè ra kō'sín ki'tsi-la nga 'én-la Nainá kichjaya, kō'sín 'én-la Nainá katachjaya. Kō jè ra kō'sín ki'tsi-la nga ma-la kosiko'ta xita, kō'sín kata'sín koni 'ki nga'ñó ra tsjá-la Nainá, mé-ni kō'sín jè Nainá jeya kíjna-ni a'ta 'tse Jesucristo ra 'tse kjoajeya kō nga'tsi nga'ñó ra t́jín skanda ni ta kjiá-nioo. Kō'sín katama.

Kjotsja ra t́jín, ni'sín kjohi'in 'se-ná

¹²Jìon ndí 'ndsè ra 'ñó matsjake-no, kì tà chjàn maxkón-najìon nga kotjín kjohi'in inchibatojion nga inchitjá'ta. Kì tà chjàn bixó jìon, ¿mé-ni kotjín kjoaxkón inchikajin-ná? ¹³Ta isáá 'ñó tsja kata'se-najìon nga tì'koaá t́jé-ni kjohi'in t́kajin jìon koni jè kjohi'in ra tsatojin jè Jesucristo, mé-ni nga tì'koaá 'ñó 'se-la kjotsja jè inìma-najìon 'kia nga kotsjjen kjoajeya-la Cristo. ¹⁴Mé ta tsja-najìon tsa

'kia yá ra chjajno-no ra ta ngatji-la Cristo, nga jè Inìma Tsje-la Nainá ra 'ñó jeya tìjna yaá tìjnako ki'ta-najìon nga nichjin nchijòn. ¹⁵ Kixíí kjoa tsa xita nì'ken, tsa chijé 'nià, tsa 'ñó 'cho 'nià, kò tsa ya tsjajin tsja'a kjoa ra tìjn-la xita, bakén-no nga kata'bì-no kjohi'in. Tìkindaa ijo-no nga mì kotjín kjoa skajiòn. ¹⁶ Tanga tsa ta kíí kjoa-la nga kjohi'in inchikajin jìon, nga xita-la Cristo ma jìon, kì tà chjàn masabà-no; ta isaá jeya tìkìjna jìon jè Nainá nga kò'sín 'yaxkon-no.

¹⁷ Nga ijyee ijchó chiba-la nga ya kii'tsia-ni Nainá nga kiindajin-la naxindá-la. Tsa kò'sín jièn kii'tsiako-ná Nainá nga kiindajin-ná ra naxindá-la tsó-ná, kó'sín koma'tin jñà ra majin-la síhitjasòn 'én nda-la Nainá.

¹⁸ Tsa jñà ra xita kixi, i'íin bitjojin-ni kjohi'in, kó'sín koma'tin-ni jñà xita ra mì bexkón Nainá kò jñà ra jé tìtsajin?

¹⁹ Tsa 'koaá 'sín mejèn-la Nainá nga sikjiín jìon kjohi'in, jé tìngatsja inìma-no kò tìhitjasòn-la, nga jé tsikínda ijye ta mé ra tìjn kò síhitjasòn ra jè koni 'sín ijye kitsjà 'én-la.

A'ta 'tse jñà xita ra tìtsajna ítjòn-la naxindá-la Nainá


5 ¹ Mejèn-na nga tì'koaá tsja-la 'én jñà xita jchínga ra xá tìjn-la ya ajin-la naxindá-la Nainá ra nakjoá-najìon; koni 'an ra xita jchínga tìjna-te; kò 'an ra xkoàan kíjtse-na jñà kjohi'in ra kisikjiín jè Cristo, ra tì'koaá kòko-te-na kjoajeya ra tìjnè-la nga 'sa jcha-la. ² Tìkindaa jñà xita-la Nainá ra jìon tsako-no nga sikindaa; ngi inìma-no katanchrabájin-ni nga kò'sín 'tiaàn; kò'sín 'tiaàn koni 'sín jè Nainá mejèn-la; kì tà chjàn ta kjo'ñó 'nià-la ijo-no kò kì tà ton ma mejèn-no nga kò'sín 'nià; ngi kòó kjotsja-no nga kò'sín 'tiaàn. ³ Kì tà chjàn kò'sín 'nià koni tsa jìon ma ni-la jñà xita ra jìon bako-no nga nikondaa; ta isaá jnchro jìon nda tìncha ítjòn-la xita nga tìjna jngo-la xkósòn ra nda tìjn, ⁴ mé-ni 'kia nga kitjojen india-ni jè Chjingo ítjòn (ra jè Cristo), tsjá-najìon kjoajeya-la koni jngo corona ra nikjía kjehejno fate-la.

⁵ Jìon ixti ra 'sa inchiníjchá ijo-no, 'koaá tì'sín nda tìhitjasòn kó'sín nga kotèxoma-no jñà xita jchínga ra tìtsajna ítjòn ya naxindá-la Nainá. Kò nga'tsì-no, indakjoa tjahíko kañá xàngioo, nga:

Jè Nainá kondraá tǎjna-la jǎnà xitá ra 'nga ikon,
tanga tseé kjonda tsjá-la jǎnà xitá ra indakjoa.

⁶Nangi tikítsajna ijo-no ya ngixkon Nainá, jè ra 'ñó tse nga'ño tǎjn-la nga ma-la kosikotǎj-no, mé-ni jè 'nga sǎikítsajna-no 'kia nga kijchò chǎba-la. ⁷Yaá tǎngatsja ijye jè Nainá nga'tsì kjoa ra jìòn níkájno. Nga jè Nainá nichjin nichjón-ní nga síkinda-no.

⁸Nda kjón-ní tikindaá ijo-no ko nda kjón chítsijen ki'ta, nga jè xitá-ní ra 'ño kondra tǎjna-no, 'koaá 'sín jngo tjandi tsá'ba koni tsa jngo xa ra 'ño ajò-la, 'ño tǎbátsji yá ra mejèn-la nga skine. ⁹'Nó tǎncha-la jìòn ko kixi tǎncha jìòn koni 'sín nga makjín-no. Nga ijyeé 'ya jìòn nga 'koaá tǎ'sín tǎjn kjohi'in ra in-chibatojin nga'tsi xàngioo kó nga tǎjngo isà'nde. ¹⁰Tanga jè Nainá ra tǎjn ijye-la ra ta mé kjonda-ni, jè ra xá ko'sín kiichja-ná nga ya kitsajnajin-teé ya nǎnda tǎjna kjoajeya-la ra mì kǎ kjehe'tà, ta ngatǎj-la nga ya titsajna-keé Jesucristo. 'Kia nga ijye kotojìòn nichjin ra sǎikjioón kjohi'in, jè Nainá,



Jngo xa ra 'ño ajò-la

sǎikítsajnanda india-no, ndaá kincha-no, tsjá nga'ño-no, kixi kjón-ní sǎikítsajna-no. ¹¹Jè Nainá, ta jé ra isa tse nga'ño tǎjn-la skanda ta mé nichjin-ni. Ko'sín katama.

Kó'sín síhixo'ta jè Pedro ra fehe'ta-ni

¹²Jè Silvano, ra ko'sín tǎjna-na koni jngo 'ndsé ra ma fa'tatakén, jé ki'sín-na kjonda nga tsíkínda-asa-na jè xajon ra tísikásén-najìòn, nǎnda nga koxian-najìòn ko sijétakòn-no koni 'sín tǎjn ra ngi kjonda-la Nainá. Kixi tjahíkoo a'ta 'tse kjonda ra kǎ.

¹³Inchisíhixo'tá-no jǎnà xitá naxindá-la Cristo ra tǎtsajna i Babilonia ra taña jahíjin-no Nainá. Ko tǎ'koaá tísíhixo'tá-no jè Marcos jè ra koni tsa i'ndí-na xin-la. ¹⁴'Kia nga sǎikjája-la xàngioo, ngi koó inìma-no nga tikjája-la.

Nga'tsi ra ya nakjoá-no a'ta 'tse Cristo, kata'se kjoa'nchán ya ajin inìma-no. Ko'sín katama.